



Til: Deltakarane

Arkivsaknr.:
11/610-37

Arkiv
K2 - F77

Sakshandsamar
Monika Lysne, 57 64 12 35

Dato
19.11.2017

Notat om:

Flaumsikring Lærdalsøyri - referat frå møte 17.11.17 (Fiske/Friluftsliv)

Tid: 17.11.17 kl. 12:00

Stad: Formannskapssalen, rådhuset

Desse møtte: Rådmann, Monika Lysne (arealplanleggjar), Magnhild Aspevik (Felles landbrukskontor ÅLA), Magne Grøttebø (kulturavdelinga), Trond Ø. Einemo (Lærdal Turlag), Finn Mo (Lærdal Elveeigarlag), Johannes Hunderi (Hunderi Fiskevald), Per Hjermann (Stødno Fiskevald), Anders Øye (Øye Fiskevald), Njål G. Kaardal (Hauge Fiskevald)

Bakgrunn for møtet: Kommunen og NVE skal gjennomføra eit omfattande flaumsikringstiltak for å gjera eksisterande busetnad på Lærdalsøyri flaumsikker. For å få gjennomført dette, må det utarbeidast reguleringsplan for å gjere ei vurdering av kva areal som vert råka, kva konsekvensane av tiltaket vil vera, vurdere avbøtande tiltak, involvere grunneigarar og andre interesserte på best mogleg måte og sikre areal til gjennomføringa. Det har tidlegare kome fram at kommunen ynskjer å utvikle «elvebryggja» til sentrumsnært turdrag, helst universelt utforma, og at ein ynskjer å sjå utvikling av turmoglegheitene i samband med flaumsikringstiltaket. For å tidleg unngå konflikt mellom fiskeinteressene vs. friluftsliv, kalla kommunen inn til dette møtet for å oppnå god dialog og medverknad frå fiskevalda i området, Lærdal Elveeigarlag og Lærdal Turlag.

1. Rådmann ynskja velkommen og oppsummerte kort bakgrunn for møtet.
2. Arealplanleggjar orienterte kort om planprosess for Detaljregulering for flaumsikring av Lærdalsøyri og tiltaksplanen for sjølve flaumsikringstiltaket. Orienterte om bakgrunn for behov for tilrettelegging for sentrumsnært turdrag og kommunen sin intensjon om å gjennomføre dette utan negative konsekvensar for fiske i Lærdalselva. Optimalt kan ei slik tilrettelegging vera positivt for fiskeopplevinga, men kommunen har behov for innspel frå grunneigarar/valdeigarar og Lærdal Elveeigarlag korleis ein kan løyse dette på best mogleg måte. Det vart synt fram to alternative metodar for å flaumsikre Lærdalsøyri som NVE har utarbeida. Dette er foreløpige utkast for å starte ein dialog, og framlegg til tiltak skal drøftast både med alle grunneigarane og andre berørte. Truleg vert tiltaka justert etter kommunen har fått gjennomført konsekvensutgreiingar og kostnadsberekningar.
3. Innspel på møtet:

- Lærdal Turlag ser positivt på ei betre tilrettelegging av sentrumsnært turdrag på elvegranden. Turlaget ynskjer ikkje å skilte turdrag som kan føre til konflikhtar, og har difor ikkje skilta elvegranden som turveg.
- Betre tilrettelegging av elvegranden som turveg er fyrst og fremst retta mot innbyggjarane i Lærdal. Ei universell utforming, vil gjera til at det er enklare for dei eldre å nytte elvegranden som tur- og rekreasjonsområde. Lågterskel turtilbod til småbarnsfamiliar. Kan verta eit viktig turområde for Lærdal Bu- og omsorgsenter.
- Betre tilrettelegging av elvegranden som turveg treng ikkje omfatte svært omfattande tiltak, men mindre tiltak som f.eks låg belysning, betre og oftare grusing/utjamning av dekke), benkar, tilrettelagde tilkomstveggar, område med bålpanne og gapahuk (ikkje ved elvekanten), bosspann, skilting osv.
- Viktig at eventuell belysning vert gjennomført på ein slik måte at lyset ikkje når ut i vatnspegelen, f.eks 70-80 cm høge lysstolpar som sender lyset berre rett ned for å lyse opp turvegen, og er plassert på den sida som er lengst vekk frå elvekanten.
- Viktig at betre tilrettelegging av turdrag også omfattar betre boshandtering (for hundebæsj og anna bos).
- På strekninga er det små problem med turgåing vs. fiske i dag. Det er stort sett innbyggjarar i Lærdal som nyttar elvegranden som turdrag i dag, og dei er stort sett flinke til å ta omsyn til fiskarane. På Hunderi/Hauge er det auka mengde turgåarar, noko som etter kvart kan føre til negative konsekvensar for fiskarane. Vanskeleg å gjere tiltak for betre tilrettelegging langs elvestrekninga Hunderi/Hauge, då det allereie er fleire interesser her – beitebruk og fiske.
- Tilrettelegging til universelt utforma turdrag er berre aktuelt frå fjorden opp til Øye bru. Vidare oppover er det eventuelt berre snakk om mindre tiltak.
- Svært viktig at det vert gjort ei god utgreiing for konsekvensane av flaumsikringstiltaka opp mot naturverdiane i området.
- Kan det vere aktuelt å sjå på opning av Kvitli-kilen som ein del av flaumsikringstiltaket i området? Dette kan styrke Lærdalsvassdraget som gyte- og oppvekstområde i tillegg til å kanalisere eventuelt flaumvatn på Hunderi/Hauge tilbake i hovudvassdraget.

Det vart på møtet også drøfta enkelte spørsmål kring ulike flaumsikringstiltak, som f.eks kanalisering av elva, rydding av kantvegetasjon osv. Dette er detaljar som ein vil koma attende til på seinare møter, men grunneigarar og andre må gjerne koma med innspel på ulike flaumsikringstiltak allereie no. Frist for innspel til planarbeidet er sett til 22. november 2017. Lærdal Elveeigarlag signaliserte at dei vil koma med ein generell uttale, medan kvar grunneigar må vurdere sjølve om dei ynskjer å koma med meir utfyllande innspel angående sine eigedomar og elvestrekningar. Kommunen oppfordrar til at alle grunneigarar kjem med innspel til saka, anten no eller seinare, og at kvar grunneigar sjølv vurderer detaljgraden av sitt innspel. Det vil koma fleire moglegheiter for å koma med innspel, både når planprogrammet (plan for prosess, framdrift og utgreiingar) skal ut til offentleg ettersyn, og når sjølve reguleringsplanen skal leggjast ut til offentleg ettersyn. Det skal gjennomførast fleire møter i saka, blant anna eit informasjons- og dialogmøte med alle grunneigarane i området.

Monika Lysne
arealplanleggjar

